

PAULU PO SILA PO TO OGÀNHỌ MÈ

Owalọ Apòsteli lẹ tọn 16:9-40

NUPINPLỌN 334 – NA Mewinyanwinyan Lẹ

Nupinplọn Do Tamẹ: "Eyín hiẹ na yí onù towe do yígbe Jesu Oklunọ tọn, bo nasọ yise to ayiha towe mẹ dọ Jihwéyẹwhe zé E tite sọn oşìọ lẹ mẹ, yè na whlẹn we gán" (Lomunu lẹ 10:9).

Aloḡó

"Juwá Makedonia bo gọalọna mí"; ehelọ wẹ Ohó he Paulu sè lọ. E mọ núnimọ to ozán mẹ. E mọ dawẹ de, Makedoniatọ he to vẹvẹ na aloḡó. E jlo dọ na Paulu ni basi aloḡó na emi nado yọnen gbọn Jesu tọn dali.

Paulu ko basi aloḡó na omẹ sùsù to gbejizọnlín etọn tintan ji. E basi aloḡó na yé gbọn gbigbọ dali. E dọyewehé gbọn Jesu tọn dali, gbẹtọ sùsù sọ yí ohó etọn sè. Paulu wazọn na Oklunọ podọ na omẹ etọn lẹ ga. E dó agùn ai e bo sọ dè mēho lẹ to agùn dopodopo mẹ.

Makedonia yín otò he dèn bóbó to apá awetọ ohù tọn ji to odón. Paulu ka na yí ofi he dèn sọmọ nado yí gọalọna omẹde he e ma yọnen pón gbede? Mowẹ, Paulu to jijlọ nado lá Wẹndagbe pe. E yí dọ núnimọ helọ yín oylọ na en nado dọ yewehé Wẹndagbe tọn na Makedoniatọ lẹ. E ma yín whepoponu wẹ Jihwéyẹwhe nọ do núnimọ hia gbẹtọ lẹ whenuena E to yé ylọ do azón Wẹndagbe tọn kọn gba. To whedelenu gbẹtọ lẹ nọ wlanwe nado biọ aloḡó. To whedevonu ga, Jihwéyẹwhe nọ zé agbàn do ayiha mẹ na omẹ Etọn lẹ dogbọn omẹde lẹ tọn dali he tin to ofide. To whedelenu ga, Jihwéyẹwhe sọgan zé do ayiha mítọn mẹ nado ylọ omẹde wá wehọmẹ sẹgbe tọn kọn podọ do sinsẹn kọn. E ma yín otò dindẹnme kẹdẹ wẹ azón Wẹndagbelátọ tọn vò do gba. Gbẹtọ lẹ tin lẹdó mí he to aloḡó din. Jihwéyẹwhe sọgan zán yọpọvu ga to azón Wẹndagbelilá tọn mẹ.

Yiyi Hadopo

To godo he Paulu ko sè oylọ nado yí Makedonia, e yọnen dọ Jihwéyẹwhe jlọ dọ emi ni yí otò dindẹn mẹ wẹ. Paulu yọnen nugbo dọ Jihwéyẹwhe wẹ jlọ dọ emi ni yí dọ yewehé Wẹndagbe tọn na gbẹtọ helẹ. Gbẹtọ sọgan tindo oyọnen oylọ he yè do ylọ ẹ tọn. Gbẹtọ sọ sọgan yón ojló Jihwéyẹwhe tọn ga. Whenuena gbẹtọ hodẹ, po mēdejijó po nado yí kavi nado nọte, Jihwéyẹwhe na dó núhe Ewọ na wá hia ẹ.

Whenuena Paulu ko tindo oyọnen ojló Jihwéyẹwhe tọn tọn, e yí Sila góna ede bo sọ yí Makedonia to afọdoponẹ lọ ji. Eya e tindo ayiha dopolọ po Davidi po, ewọ he dọmọ: "azón ahọlu tọn biọ awudidẹ" (1 Samuẹli 21:8). Paulu to azónwá na Jesu, Ahọlu ahọlu lẹ tọn, e sọ yọnen dọ emi do na wàzón whenuena tẹnme tin nado wámọ. Omẹdele nọ ze e do osọ nado wá ojló Jihwéyẹwhe tọn. To whedelenu yé dó nude he yé jlọ na basi ehe yé ma jlo na jodo gba. To whedelenu ga, yé dó onúde he yé jlo na basi whẹpo yé nido wá basi ojló Jihwéyẹwhe tọn. To whedevonu, yé nọ jlo nado lẹnnupọn do eji na azán sùsù whẹpo yé nado hwle nado setonu podọ nado wá ojló Jihwéyẹwhe tọn. Paulu ma tindo onúdevo de nado doafona to ogbèzán etọn mẹ hú nado wá ojló Jihwéyẹwhe tọn. Paulu ko wléawuvọ nado setonu. Whenuena tẹnme tin ai nado lá Wẹndagbe pe podọ nado gọalọna mēdevo lẹ nado yọnen dogbọn Jesu tọn dali, Paulu wléawu vò nado yí, e sọ wléawu nado wazọn.

"Yẹn jlo na yì, yẹn sọ jlo na nọte,

Yẹn jlo na hẹn tẹnme şie go;

Yẹn jlo na wàzón dahọ kavi pẹvi,

Yẹn jlo na wá ojló towe."

To Filippi

Paulu po Sila po súnhún sọn Tloa, to godome yé wá jẹ Filippi, he yín otò dahọ Makedonia tọn. Yé dọngban to finẹ na azán vude. Yé basi tito nado tindo opli odẹ tọn to otò de tó to otògodo. Yonnusi delẹ plidopọ to finẹ, Paulu sọ şẹ ohó dọ na yé.

Avọ Ogefúnwunmẹsàto

Dopo to yonnu he to ohó Paulu tọn sè lẹ mẹ wẹ yè nọ ylọ Lidia. Eyín otò de menu he yè nọ ylọ dọ Tiatila, otò he diyin na azón ahó tọn etọn wutu. Lidia nọ sà avọ helẹ to Filippi. Nawe helọ yín sinsẹnto, e sọ to

Jihwéyewhe sèn. Le e to ohó Paulu tòn sè, e sè dogbòn Ovi Jihwéyewhe tòn dali, yèdọ Jesu Klisti. Oklunọ dọhó do ayiha Lidia tòn mẹ. E yí onúhe Paulu dọ sè, e sọ hùn ayiha etọn dai bo sọ yí Wéndagbe, e bo sọ lẹzùn devi Klisti tòn.

Meylondosinmẹ

Eyín gbẹtọ hodè, bọ e sọ yón ede di ylandonọ, bo sọ vèvè dọ na Jihwéyewhe ni jona ẹn, bọ e sọ yí Jesu Klisti Oklunọ míton sè, omẹlọ na mọ whlengan. Whenuena gbẹtọ yín omẹvoji, ewọ na jlo nado basi Baptem. Ojló Jihwéyewhe tòn wẹ. Baptem yín apádopo Wéndagbe tòn, Oklunọ sọ jló na omẹ Etọn lẹ ni setonu hlan nudepope he yín Wéndagbe tòn. Whenuena Oklunọ na ogbedide daho nẹlọ na nuplontọ Etọn lẹ, E dọmọ: "enẹwutu mi yì, bo hẹn akọta lẹpo zùn nuplontọ, bo sọ nọ baptizi yé do oyín Otọ tòn, po Ovi tòn po, po Gbigbọ Wiwe tòn po mẹ: na mi ni sọ nọ plon yé nado nọ doayi onú lẹpo go, nudepope he yẹn degbena mi" (Matiu 28:19, 20).

To Biblu mẹ, mí sọgan mọ apajlẹ omẹ nẹlẹ tòn he mọ whlengan bọ yè sọ baptizi yé. To azán Pèntikosti tòn gbè, whenuena Pita dọ yewhéhó he góna huhlọn Jihwéyewhe tòn, "Yè baptizi mēhe yí homẹhùnhùn do yí ohó etọn lẹ" (Owalọ Apósteli lẹ tòn 2:41). Filipi dọ yewhéhó Klisti tòn na ojọ Etiopiatọ le yé to yiyi to aliho to kẹkẹ mẹ. Whenuena yé sọ jẹ ofihe osin te, ojọ lọ mọ dọ tẹnmẹ hundai na emi nado setonu na gbedide Jihwéyewhe tòn dogbòn baptem bibasi tòn dali. Ojọ lọ dọmọ: "pón, osin tin to ofi; etẹwẹ hẹn mi do ote nado baptizi?" Filipi sọ gblon dọmọ: "eyín hiẹ yí ayiha towe lẹpo do yise, yè sọgan baptizi we" (Pón oplón 292). Yé omẹ awe lẹ zinzonlin biọ osin mẹ, yè sọ siọ ojọ lọ do osinmẹ. To enẹ godo ojọ helọ to yiyi to aliho etọn ji bo sọ to ayajẹ.

Lidia po hwegbetọ etọn lẹ po yín omẹdevo lẹ he yè ylón do osinmẹ. Ayiha etọn gó na opẹ hlan Jihwéyewhe na onúhe E wà hlan ẹn. Homẹ etọn hùn na e setonu na ogbedide Oklunọ tòn. E jló na yí nudewà na Oklunọ. E dó dagbeyinyonẹn etọn hia dogbòn omẹ Jihwéyewhe tòn lẹ go pinpon tòn dali.

Dagbewà

Lidia vẹ Paulu po Sila po nado zè do ohwé etọn gbe eyín yé hia ẹ jẹ na nugbonọ hlan Jihwéyewhe, podọ ga na mēhe jẹ na dagbe mọ nkọ. Lidia hia ẹ na ojlojẹ nado penukundo omẹ Jihwéyewhe tòn helẹ go. E wà ẹ kẹdẹdi hlan Oklunọ. Mí hia dọ "Nudepope he mi to wiwà, mi nọ yí ayiha dódó do wà ẹ, kẹdẹdi hlan Oklunọ, e ma yín hlan gbẹtọ gba. Na mi ni yonẹn dọ Oklunọ de wẹ miwlẹ na mọ ale ogú tòn yí te: na mi yín mēmẹglọ hlan Klisti Oklunọ wutu" (Kọlọsinu lẹ 3:23,24). Ale tin na omẹ nẹ lẹ he wà dagbe na omẹ Jihwéyewhe tòn lẹ. Whenuena yé na sọ yí ale, yé na sè le Klisti na dọ dọmọ: "le miwlẹ basi hlan dopo to mēmẹsunnu sie helẹ mẹ, yèdọ pẹvi pete helẹ yẹn wẹ mi basi i hlan" (Matiu 25:40).

Odoşenọ

To gbedopo, le Paulu po Sila po jei opli odè tòn kọn, oviyonnu de hodo yé to godo. E tindo gbigbọ mawé, e sọ tindo gbigbọ odoşẹ tòn. E to hihodo yé to godo, bo sọ to ahwádo. Ehelọ jọ na azán sùsù. Paulu yín homẹgblenọ na gbigbọ lẹgba tòn to tuklado oviyonnu helọ. Paulu wọhẹ gbigbọ mawé lọ to oyín Jesu Klisti tòn mẹ, gbigbọ lẹgba tòn he to ogándù to e ji sọ jo e dai.

Oviyonnu helọ yín devi mēdelẹ tòn. E to dọdai dọ dogbòn gbigbọ odoşẹ tòn dali, klunọ etọn lẹ sọ to azónkuẹ etọn yí. Whenuena yè yan gbigbọ lẹgba tòn helọ jẹgbonu sọn e mẹ, gbigbọ odoşẹ tòn jó e dai, akuẹ ma sọ biọ hwegbe na oklunọ etọn lẹ ba gba. Ehelọ ma vivi na yé gba. Yé ma blawu na ẹn whenuena gbigbọ lẹgba tòn to tuklado e gba. Şigba homẹ yeton gble na akuẹ ma na sọ biọ hwegbe na yé gbọn aliho ylankan he bọawu helọ ji ba wutu.

To Ogànhomẹ

Klunọ etọn lẹ wle Paulu po Sila po yé sọ dòn yé yí ahimẹ to fihe owhédọhosa te, yé sọ wlewhẹ hẹ yé. Yé dọmọ: "dawe helẹ . . .to tuklado otò daho míton gbahu gbahu". Be tukla wẹ nado ze opòdo do azón ylankan ji dogbòn dagbewà dali? Ohópladọ patapata wẹ owhẹwlehẹmẹ yeton yín. Na wangbena he yé tindo hlan Paulu po Sila po wutu, yé fónadán gbẹtọ lẹ tòn do omẹ Jihwéyewhe tòn helẹ go. Ma na tẹnmẹ yé nado dọ ohó onú yeton mẹ tòn, yé zán walọ okà tòn hlan Paulu po Sila dali, yé yí opò do linú yé, yé sọ ze yé dlan biọ ogànhomẹ. Yé sọ "naşẹ gánkonnọtọ nado whlá yé dagbedagbe," enẹwutu yé sisẹ yé do ogànhọ şenşen tòn mẹ, bo sọ yí afọ yeton ján do osópo mẹ.

Dedlante

To ozàngbodawemẹ, onú jawu de jò. Ogàntò he po lẹ sè ogbe odè tọn po ohàn pipa tọn po hlan gigo Jihwéyewhe tọn. Dawe awe helẹ he ohùn to tintón sọn nẹgbe yeton lẹ, he yè sọ yí afọ yeton ján dó osópò mẹ lẹ, ka na sọgan pàgigona Jihwéyewhe mọ? Be dawe helẹ he go yé zán owalọ masogbe hlan, na ka sọ tindo yise to Jihwéyewhe mẹ mọ? Dawe awe helẹ he yè to oyadona mahùwhẹde ka na sọ tindo otudido to Jihwéyewhe mẹ mọ? Nugbo nugbo yise yeton ma gbla gba, Jihwéyewhe sọ sè pipa po odè yeton po. To ajiji mẹ aigba whinwhan dahò de tin. Kòdòdò ogànho tọn whàn gigi. Ogàn ogàntò helẹ tọn dè konyinai. Ohòn lẹpo sọ hùn do nuvo.

Ogànkonnọtọ

Ogànkonnọtọ wlafon sọn amlon mẹ. Whenuena e mọ dọ ohòn lẹ hùn do nuvo, e lẹn dọ ogàntò lẹpo ko honyi. E dibla yí ohí do hù ede. E yonẹn dagbe dọ yè na hù emi eyín emi ma mọ ogàntò helẹ ba, titegbe húgan ogàntò awe he yè zé dlan ogànho sẹnsẹn tọn mẹ lẹ. Şigba Paulu dahwá to ogbelélé mẹ dọ: "a gbléawuna dewe blo." Whenuena wẹ ogànkonnọtọ biọ miyongbàn nado pón ogàntò lẹ lọ. E biọ ogànho mẹ to sẹnsẹn dón he miyon bo sọ dozinvlú góngón to fihe Paulu po Sila po te. E yonẹn dọ omẹ Jihwéyewhe tọn wẹ yé. E sọ yonẹn dọ yé sọgan goalona emi, ylandonọ helọ ga. Whenuena e ko dè yé tọn jẹgbonu vọ e kanbiọ dọ: "mẹho emi, etẹ wẹ yẹn do wà nado yín whinwhlẹngan?"

Whlẹngan

Paulu po Sila po dọhó Jihwéyewhe tọn na ogànkonnọtọ helọ po hennu eton lẹ po. Yé yí ohó he yé se lọ sè, yè sọ whlẹn yé gán. Yè ylọn yé do osin mẹ ga nado dohia dọ yé ko yigbe yise tọn to Jesu mẹ podọ ga dọ azón ofligọ tọn ko jọ to ogbẹzán yeton mẹ.

Homẹ ogànkonnọtọ tọn hùn do sunnu awe he goalọ nẹ nado mọ Jesu helẹ lọ go. E hẹn yé yí ohwé eton gbè. E klọ apà yeton lẹ na yé, e bo sọ na núdùdù yé. Nawẹ homẹ eton na hùn sọ sùsù dọ emi mọ whlẹngan! Homẹ eton ko hùn sùsù dọ hennu eton lẹ mọ whlẹngan! Pón le ayajẹ eton sù sọ nado nọhẹ omẹ Jihwéyewhe tọn helẹ!

Oyajiji Na Klisti

Matin ayiawe, homẹ Paulu po Sila po tọn hùn na yé mọ dọ mēdele mọ whlẹngan. Sọle yé ko tindo tẹnme nado dọhó Jesu tọn na gbẹtọ lẹ, oya he yè do na yé ma yín nude gba. Etẹ wẹ ogànhomẹ he yè ze yé dlan do sọ yín ba whenuena ehe lọ hẹn ogànkonnọtọ po hennu eton lẹ po mọ ovoji yí? Paulu po Sila po ma hlún na oya he yè do na yé tọn gba. Yé ma sọ hùn tónjẹgbonu whenuena yé mọ ohòn ogànпамẹ tọn hùn do nuvo gba. Hwihwle yeton wẹ nado basi ojlo Jihwéyewhe tọn na whlẹngan alindon lẹ tọn. Omẹ helẹ yín omẹ Jihwéyewhe tọn titegbe podọ apajlẹ dagbe na mí. Be mí tindo agbàn to ayiha míton mẹ na whlẹngan omẹdevo lẹ tọn? Be mí ka nọ pagigona Jihwéyewhe whenuena mí tindo awufiṣa? Be mí ka nọ fahomẹ whenuena yè to homẹkendo mí? Dopo to odona lẹ mẹ wẹ: "donanọ wẹ miwle, whenuena gbẹtọ lẹ na to vivle mi ko, bo to homẹkendo mi, bo sọ to oylan hunkonhunkọ dọ do mi go to lalo mẹ, na sie wutu. Mi ni jaya na mi ni sọ to ayajẹ sùsù; na ale míton wẹ dahò to olon mẹ: na mọkẹdẹ wẹ yé dohomẹkẹn yewhégán he ko tin jenukọ na mi lẹ" (Matiu 5:11,12).

Yè Dè Yé Tónjẹgbonu

Whenuena e jẹ afonnu azán awetogbe tọn, otógán lẹ dowen hlan dọ "gbọ dawe nẹlẹ ni yí." Şigba Paulu ma nọ plapla ji nado yí gba. Yè ko dowinyan yé, yè ko sọ zán walọ masogbe do yé go whenuena yè ma tlẹ ko "gblewhẹdo yé gba". Yè zé yé dlan biọ ogànhomẹ jẹgọ do osen go, mọwẹ Lomunu wẹ yé yín. Yè ko zán walọ masogbe do yé go to gbangba to gbẹtọ sùsù nukon şigba yé wá jló nado dè yé dlante to nuglọ dinvie. Paulu domọ: "gbọ yé losu ni wá bo hẹn mí jẹgbonu."

Whenuena whẹdatọ lẹ sè ohó helẹ lọ, obúdi yé. Yé ko zé yéde daga bo ko sọ yín madó lẹblanunọ, şigba dinvie Oklunọ whiwhe yé dai. Nado dohia dọ Paulu po Sila po ma ylanwhe gba, whẹdatọ lẹ yí ogànhomẹ yé bo sọ dè yé tónjẹgbonu. Yé vẹ Paulu po Sila po nado tón sọn otò lọ mẹ. Matin ayiawe, yé tindo whẹgbledo to ayiha yeton mẹ na owalọ masogbe he yé zán lọ tọn wutu, yé sọ to jijlo nado dealọ sọn owhehó lọ mẹ.

Whenuena yé dọ na Paulu po Sila po nado tón sọn otò mẹ, nuhe yé to didọ wẹ yín dọ na mēhe to yewhéhó dèdlante tọn dọ na yé lẹ ni yí. To ali helọ ji, yé hẹn tẹnme he yé tindo nado sè Wéndagbe to ojilé helọ mẹ bú. Mí ma yonẹn eyín omẹ dopo helẹ lọ sọ tindo tẹnme devo nado sè yewhéhó Paulu tọn kavi nado sè dogbon owheşunamẹ dali.

To omẹ Wiwe Lẹ De

Oyajiji ma dobúna Paulu gba. Ewọ po Sila po ma honyi sọn otò lọ mẹ po obú po dọ na yè ni ma do sọ wá hò yé ba blo. Yé tónyi to vivo mẹ yé bo sọ hwle nado yi ohwé Lidia tọn gbe. Eya to file, yé dọ onujijọ he yé mọ to ogànhomẹ lẹ podọ dogbọn whlẹngan ogànkọnnọtọ lọ tọn dali. To godo he yé ko dọhó hẹ omẹ wiwe lẹ vọ, bọ yé sọ yí ohó akọnfanamẹ tọn do plọnnu yéde lẹ, Paulu po Sila po tónyi sọn otò Filippi tọn mẹ yì Olòpo he bọdo e go mẹ yì otò Makedonia tọn mẹ, to fihe Jihwéyẹwhe jló dọ yé ni yì dọ yẹwhehó te lọ.

OKANBIQ LẸ

1. Etẹwẹ oylọ Makedonia tọn?
2. Mẹnụ ji wẹ oylọ lọ tọn do?
3. Etẹwẹ otadena etọn?
4. Nawẹ Lidia sè do dogbọn whlẹngan tọn dali?
5. Nawẹ e dó owalọ dagbeyinyọnen hlan Jihwéyẹwhe tọn hia do?
6. Etẹwutu wẹ yè do zé Paulu po Sila po dlan ogànhomẹ?
7. Etẹwẹ yé wà to ozánhomẹ?
8. Nawẹ Jihwéyẹwhe yigbena odẹ yetọn do?
9. Etẹwẹ jọ do ogànkọnnọtọ go?
10. Etẹwẹ Paulu po Sila po basi to godo he yè ko dè yé dlante vọ sọn ogànhomẹ?